

Ilinniarnertuunngorniarfimmi ilikkagassatut pilersaarutit pillugit Namminersorlutik Oqartussat nalunaarutaat

Ilinniarnertuunngorniarfik pillugu Inatsisartut inatsisaanni nr. 13, 22. november 2011-meersumi § 21 aamma § 27 malillugit aalajangersarneqarpoq:

Kapitali 1

Nassuaatit

§ 1. Ilikkagassatut pilersaarutit imatut paasineqassapput, tassaasut malittarisassat qaffasissutsini assigiinngitsuni ilinniartitsissutinut ataasiakkaanut atuuttut. Ilikkagassatut pilersaarutinut ilaapput ilinniartitsissutip inisisimanerata, siunertaata, ilikkagassatut anguniagaasa imarisaasa, ilinniartitsinerup aaqqissuunnerata nalernerneratalu allaaserinerat. Ilinniartitsissutini ataasiakkaani ilikkagassatut pilersaarutit nalunaarummut matumunnga ilangussani 1-59-ini ersipput.

§ 2. Ilinniartitsissutip ilinniagaqarnermi inisisimanera imatut paasineqassaaq ilinniartitsissutip ilinniagaqarnermi siunertaanut tamarmiusumut ilinniartitsissutip pingarnertut imarisanut periutsimullu tapersiinera.

§ 3. Ilinniartitsissutip siunertaa imatut paasineqassaaq ilinniartitsissutini ataasiakkaani ilinniartitsissutillu immikkoortuini ilinniartitsinerup siunertaa. Ilinniartitsissutit siunertai ilinniartitsissutini ataasiakkaani ilinniartitsissutillu immikkoortuini sammisanut sisamanut naligjinnut agguarneqarput, tassaallutillu:

- 1) Ilisimasat pisinnaasallu.
- 2) Ilikkagaqartarnermi sulinermilu piginnaasat.
- 3) Inuttut inuillu attaveqaqatigiittarnerannu piginnaasat.
- 4) Kulturikkut inuiaqatigiinnilu piginnaasat.

§ 4. Ilinniartitsissutini ataasiakkaani ilikkagassatut anguniakkat imatut paasineqassapput anguniakkat immikkuualuttui, taakkunani lu ilinniartitsissutit naammassineranni ilinniagaqartut pisinnaasaqfigiligassaattut ilimagisaasut. Ilinniartitsissutini anguniakkat ilinniartitsissutit imarisaat ilangullugit ingerlaavartumik naliersuisarnernernut aammalu ilinniartitsissutit naammassineranni naliersuisarnernut qitiusumit aalajangerneqartunut tunngaviliissapput.

Imm. 2. Imarisaat imatut paasineqassapput pingarnertut imarisaat aamma imarisaannut ilassutit, tak. imm. 3 aamma 4. Pingarnertut imarisaat aamma imarisaannut ilassutit ilinniartitsissutini anguniakkat anguneqarnissaannut pisariaqarput. Pingarnertut imarisaannik aamma imarisaannut ilassutinik toqqaanerme ilinniartut peqataatinneqassapput.

Imm. 3. Pingarnertut imarisaat imatut paasineqassapput qaffasissutsini pineqartuni ilinniartitsissutit imarisaat ilinniartut tamarmik pinngitsooratik ilinniagassaat.

Imm. 4. Imarisaannut ilassutit imatut paasineqassapput kiffaanngissuseqarnerulluni sinaakkutit, taakkualu

iluanni pingaarnertut imarisaannik itisiliisunik imminnullu atanerannik takutitsisunik ilinniartullu ilinniakkani paasisaannik annertusiliisunik ilinniartitsissutit imarisassaannik toqqaaffiusut.

§ 5. Ilinniartitsissutinik aaqqissuinernut ilaapput ilinniartitsinermi tunngavinnik, suleriaatsinik, ilinniakkami oqaatsinik ilinniartitsissutinullu allanut attaveqassutsimik allaaserinninnerit.

Ilinniartitsissutinik ataasiakkaarlugit ilinniartitsinermi ilinniartitsissutinut allanut attaveqarnerat ilaangilaq.

§ 6. Naliersuinernut ilaapput ingerlaavartumik nalilersuisarnerit, misilitsitseriaatsit naliliinernilu piumasaqaatit soraarummeernerni atorneqartartut allaaserinerat. Imminut ilinniartittunut namminnerlu ilinniartunut soraarummeernerni pissutsit immikkut ittut allaaserineqarnerat aammattaaq ilangunneqarsinnaapput.

§ 7. Qupperneq nalinginnaasoq imatut paasineqassaaq allagaq qupperneq ataaseq nalinginnaasumik allannermi naqinnernik 1300-nik taallatullu allannermi titarnernik 30-nik imaqartoq. Saqqummeeriaatsit allat ilaappata imarisaasa pitsaassutsimikkut annertussusaat nalilerneqassaaq, nalinginnaasumik quppernerit missiliuinikkut naatsorsornerisigut.

Kapitali 2

Ilinniartitsissutit

§ 8. Ilinniarnertuungorniarfimmi ilinniartitsissutit ilinniarnertuungorniarfimmi qaffasissutsinut C, B aamma A-mut inissinneqarput, tassani A qaffasinneqarput, tak. §§ 14-16.

Imm. 2. Ilinniarnertuungorniarfimmi ilinniartitsissutit imatut paasineqassapput ilinniartitsissutit ilinniagaqarnermi anguniakkat anguneqarnissaannut tapersiut, tamatumunnga ilanngullugu ilinniartitsissutit ingerlaqqiffiusumik ilinniagaqalernissamut piginnaasaqalersitsisuunissaat.

Ilinniarnertuungorniarfimmi ilinniartitsissutit qaffasissusiannut sanilliullugu ilinniartut tunngavilersorlugu isumaliuteqarsinnaanerisa, eqqarsaatinik tigussaasumit avissaartitsisinnaanerisa tamanullu tunngasunngortitsilernissaanerisa ineriertortinnejarnissaat ilaatigut siunertaavoq.

Imm. 3. Tunngaviusumik ilinniarnermi ilinniartitsissutit ilinniarnertuungorniarfimmi ilinniartitsissutit ilaannik imaqarsinnaapput.

§ 9. Ilinniarnertuungorniarfimmi ilinniartitsissutit tassaapput:

1) Ilinniartitsissutit ilinniartunit tamanit pinngitsoorani ilinniarneqartussat (ilinniartitsissutit pinngitsoorani ilinniarneqartussat tamanut tunngasut).

2) Ilinniartitsissutit taamaallaat ilinniakkat sammiviini aalajangersimasuni pinngitsoorani ilinniarneqartussat (ilinniartitsissutit pinngitsoorani ilinniarneqartussat aalajangersimasut).

3) Ilinniartitsissutit toqcarneqarsinnaasut.

§ 10. Tunngaviusumik ilinniarnermi ilinniartitsissutit pinngitsoorani ilinniarneqartussat tamanut tunngasut ilaat ilinniakkat sammiviini ilinniarnermi naammassineqassapput ingerlateqqinneqarlutilluunniit.

§ 11. Ilinniartitsissutit klassini ilinniarneqassapput, taamaattoq tak. imm. 2-4.

Imm. 2. Kalaallisut ilinniarneq holdikkaarluni ilinniartut ilitsoqqussaralugu oqaasii aallaavigalugit katiterneqartussani ingerlanneqassaaq. Ilinniartut kalaallisut ilitsoqqussaralugu oqaaseqanngitsut ilikkagassatut pilersaarut tunngavigalugu kalaallisut ilinnialerlaatut oqaatsillu aappaattut ilinniakkatut A-tut ingerlatissavaat, ilinniartullu kalaallisut ilitsoqqussaralugu oqaaseqartut ilikkagassatut pilersaarut tunngavigalugu ilitsoqqussaralugu oqaatsitut A-tut ingerlatissavaat.

Imm. 3. Ilanniartitsissutit toqqarneqarsinnaasut ilanniartut toqqagaat malillugit pilersinneqartut ilinniakkat sammivii akimorlugit holdini ingerlanneqarsinnaapput.

Imm. 4. Ilanniartitsissutit ilanniartitsissutinik ataasiakkaanik ilanniartitsinertut aamma ingerlanneqarsinnaapput, tassani ilanniartitsineq klassini holdiniluunniit pioreersuni imaluunniit holdini immikkut pilersinneqartuni ingerlanneqarsinnaalluni.

§ 12. Ilinniakkat sammivii sorliit pilersinneqassanersut ilinniarneruntuungorniarfiit kingusinnerpaamik 15. december aalajangissavaat. Ilanniartitsissutinik pinngitsoorani ilinniarneqartussanik immaqalu ilanniartitsissutinik toqqarneqarsinnaasunik ilinniakkat sammiviinut atasunik ilanniartut inaarutaasumik toqqaanerat tunngavigalugu aalajangiisoqassaaq.

Imm. 2. Ilinniakkap sammivia pilersinneqareerpat ilinniakkap sammivia holdini ilinniakkap sammiviani pilersinneqarsimasuni ingerlanneqassaaq.

§ 13. Semesterit aappaat, pingajuat tallimaallu sioqqutitsiarlugit ilinniarneruntuungorniarfiup aalajangiutissavaa ilinniakkatut sammiviit akimorlugit ilanniartitsissutit toqqakkat suut pilersinneqassanersut.

Kapitali 3

Qaffasissutsit

§ 14. Qaffasissutsimi A-mi ilanniartitsissutinut ilisarnaataavoq, ilanniartitsissutit ingerlanneqarnerini tamani nalinginnaasumik 250-inik taakkualuunniit sinnerlugit tiimeqarfiusarnerat, taamaattoq tak. § 17. Ilanniartitsissutini ilikkagassatut anguniagassat oqaasertalorsorneqassapput, piginnaasassanut uuttuutit qaffasissut atorlugit. Ilanniartitsinerni inaarutaasumillu nalilersuinerni allattarissanik suliaqartarneq ilaavoq. Piumasaqaatitut ilimagisaavoq ilanniartut namminneerlutik eqqoqqissaartumillu sulissasut aamma ilanniartitsissutini taaguutit periutsillu atorsinnaassagaat – aamma ataqtigiffinni ilisimaneqariinngitsuni.

§ 15. Qaffasissutsimi B-ni ilanniartitsissutinut ilisarnaataavoq, ilanniartitsissutit ingerlanneqarnerini tamani 150-it 250-illu akornanni tiimeqarfiusarnerat, taamaattoq tak. § 17. Ilanniartitsissutini ilikkagassatut anguniagassat oqaasertalorsorneqassapput, piginnaasassanut uuttuutit qaffasissut ilaatinngit imaluunniit killeqartut atorlugit. Ilanniartitsinerni inaarutaasumillu naliliinerni allattariarsorluni sulineq ilaagajuttarpoq, taamaattoqartariaqaranili. Piumasaqaataavoq ilanniartut nammineersinnaassuseqgangaatsiarlutik sulisinnaassasut, ilanniartitsissutinilu isummat imarisaat periutsillu nalinginnaasumik atorsinnaassagaat.

Imm. 2. Qaffasissutsimi B-mi ilanniartitsissutip aammattaaq imarisinnaavaa ilanniartut namminersorlutik allattariarsorlutik suliaat imaluunniit aalajangersimasumik qulequtsiillutik ingerlatsinerat, imm. 1-imti taaneqartunik ikinnerusunik tiimilik, ingerlatsinermut annertuumik ilanniartut namminneerlutik suliaqarnerat annertuumik allattariarsornertalik ilisarnaataappat.

§ 16. Qaffasissutsimi C-mi ilanniartitsissutinut ilisarnaataavoq, ilanniartitsissutit ingerlanneqarnerini tamani 75-it 150-illu akornanni tiimeqarfiusarnerat, taamaattoq tak. § 17. Ilanniartitsissutini ilikkagassatut anguniagassat oqaasertalorsorneqassapput, piginnaasassanut uuttuutit appasissut kisiisa atornissaat pingaartillugit. Ilanniartitsinerni allattariarsorluni sulineq sakkuusinnaavoq, inaarutaasumillu nalilersuinermi ilanniartut allattariarsornermi piginnaasaannik nalilersuineq ilaassanngilaq.

Piumasaqaataavoq ilanniartut ilanniartitsissutini isummat imarisaat periutsillu atorsinnaassagaat.

§ 17. Tunngaviusumik ilinniarnermi ilanniartut ilinniakkap sammivianik siumut pituttuutaanngitsumik toqqaallutik nalunaarutaat tunngavigalugit ilanniartitsissutini ilanniartitsinermi tiimit amerlassusaat annikinnerusumik qaffanneqarsinnaapput apparneqarsinnaallutilluunniit (naleqqussarneqarsinnaapput).

§ 18. Qaffasissutsit akimorlugit ilinniartitsisoqarsinnaangilaq.

Kapitali 4

Annertussusiliineq

§ 19. Ilinniartitsissutini ilinniartitsinermi tiimit amerlassusaat, piffissaq ilinniartut atugaat ilinniartitsinissanullu piareersarnerit ilinniartut ilinniagaqarnermi sulinerannut ilaapput.

§ 20. Ilinniartitsinermi tiimit atorneqassapput ilikkagaqarnissaq siunertaralugu, ilinniartitsisup ilinniartullu suleqatigiiffingisaannik, ilinniarternertuunngorniarfiup sammisaqartitsissutissatut aaqqissugaanut, tamatumani siunertaralugu ilinniartup ilinniartitsisummi ilikkagassatut anguniagassanik angusaqarnissaanut tapersiinissaq, tamatumunnga ilaatillugit suliniutit pissusiviusunillu assersuutit, ilinniartitsisup ilinniartumik ilitsersuiffigaisi. Ilinniartitsinermi tiimit aamma ingerlaavartumik nalilersuinernut taakkununngalu atasumik ilitsersuisarnernut atorneqassapput.

§ 21. Ilinniartitsissutini tiimit ingerlanneqassapput, piffissap soraarummeerfiusup - ilinniartitsisummi misilitsiffiusup imaluunniit misilitsinnissamut periarfissaqarfiusup - aallartinnginnerani.

§ 22. Ilinniartitsissutini ataasiakkaani ilinniartut piffissaq atugassaat tassaavoq piffissaq ilinniartut ataasiakkaat ilinniartitsissutini allattariarsorlutik sulinissaannut immikkoortitaq, tassunga ilanngullugit ilinniartitsissutinut allanut ilinniartitsinerni tiimit avataanni ilinniartut ingerlattagaannut ilinniartitsisunillu immikkut nalilorsorneqartartunut atassuteqartitsineq.

Imm. 2. Ilinniartut allattariarsorlutik suliaannik nalilersuinerni ilinniartitsissutini A-mik qaffasissusilinni, ilinniartitsissutinilu allani ilinniartitsissutillu imminnut atassuteqartinneranni naliluersueriaatsit assigiinngitsut atorneqassapput, tassunga ilanngullugit:

- 1) ilinniartut suliani militsinnernilu ataasiakkaarlutik akissutaasa naqqinneri, tassunga ilanngullugit ilinniarfiup iluani misilitsinnerit,
- 2) suleqatigiaakkaarluni ataasiakkaarluniluunniit allattariarsorluni suliat naqqinneri oqaaseqaateqarfigineqarnerilu, tassunga ilanngullugit ilinniarfiup iluani misilitsinnerit,
- 3) allannermi allattariarsorluni suliat ilaannakortumik naamassisat oqaaseqaateqarfiginerat,
- 4) ilinniartunik ilinniartoqatigiinnillu oqaloqateqarnerit, aamma
- 5) qulaaniittut akuleriisillugit.

Imm. 3. Allattariarsorluni suliaqarluni ilinniartunut piffissaliussamik atuinermi, ilinniarternertuunngorniarfiup piumasarisinnaavaa ilinniartut najutissasut.

§ 23. Ilinniartut allattariarsorlutik suliaat tassaasinnaapput allaaserinninnerit, nalunaarusiat, qarasaasiat atorlugit saqqummiinerit aamma multimediat atorlugit suliat il.il.

§ 24. Ilinniartitsinernut piareersarnerit ilinniartut namminneq aaqqissuutissavaat.

§ 25. Ilinniartitsissutini ilinniartitsinerni tiimit amerlassusaat piffissarlu ilinniartut atugassaat imatut agguarneqarput:

| Ilinniartitsissut | Qaffasissuseq | Ilinniartitsinermi tiimit amerlassusaat/qaffasissuseq | Ilinniartut piffissaat | Ilanngus-saq nr. |
|----------------------|------------------------|-------------------------------------------------------|------------------------|------------------|
| Tuniniaaneq | Tuniniaaneq A | 350 | 70 | 1 |
| | Tuniniaaneq B | 225 | 0 | 2 |
| Issittumi teknologii | Issittumi teknologii B | 300 | 40 | 3 |

| | | | | |
|----------------------------------------------|--------------------------------------------------------------------------|-----|-----|----|
| | Issittumi teknologii C | 120 | 0 | 4 |
| Assilialiorluni eqqumiitsuliorneq | Assilialiorluni eqqumiitsuliorneq B | 250 | 0 | 5 |
| | Assilialiorluni eqqumiitsuliorneq C | 75 | 0 | 6 |
| Uumassuseqartulerineq | Uumassuseqartulerineq B | 200 | 66 | 7 |
| | Uumassuseqartulerineq C | 75 | 22 | 8 |
| Danskisut | Danskisut A | 300 | 180 | 9 |
| Isiginnaartitsineq | Isiginnaartitsineq C | 125 | 15 | 10 |
| Tuluttut | Tuluttut A | 445 | 225 | 11 |
| | Tuluttut B | 295 | 150 | 12 |
| | Tuluttut C | 150 | 75 | 13 |
| Inuussutissarsiutinik sammisaqarneq | Inuussutissarsiutinik sammisaqarneq B | 60 | 0 | 14 |
| Inuussutissarsiutit pillugit inatsisilerineq | Inuussutissarsiutit pillugit inatsisilerineq C | 75 | 0 | 15 |
| Isumalioqqissaarneq | Isumalioqqissaarneq C | 125 | 0 | 16 |
| Aningaasalersuineq | Aningaasalersuineq C | 75 | 0 | 17 |
| Franksisut | Franksisut aallarterlaanut B | 250 | 18 | 18 |
| Uumaatsulerineq | Uumaatsulerineq B | 225 | 70 | 19 |
| | Uumaatsulerineq C | 100 | 44 | 20 |
| Nunalerineq | Nunalerineq B | 200 | 50 | 21 |
| | Nunalerineq C | 75 | 22 | 22 |
| Kalaallisut | Kalaallisut aallarterlaanut aamma oqaatsit appaat A | 300 | 180 | 23 |
| | Kalaallisut ilitsoqqussaralugu oqaatsitut A | 300 | 180 | 24 |
| Oqaluttuarisaaneq | Oqaluttuarisaaneq B | 190 | 0 | 25 |
| Timersorneq | Timersorneq B | 250 | 14 | 26 |
| | Timersorneq C | 150 | 0 | 27 |
| | Timersorneq ataatsimut ilinniartitsissut (ilanngussani 26-27 ilaavoq) | 25 | 0 | |
| Paassisutissiinermi teknologi | Paassisutissiinermi teknologi C | 60 | 0 | 28 |
| Nutaaliorneq | Nutaaliorneq C | 75 | 0 | 29 |

| | | | | |
|-----------------------------------------|------------------------------------------------------|-----|-----|----|
| Nunat tamat akornanni aninaasaqarneq | Nunat tamat akornanni aninaasaqarneq A | 265 | 0 | 30 |
| | Nunat tamat akornanni aninaasaqarneq B | 140 | 0 | 31 |
| Kemi | Kemi B | 225 | 55 | 32 |
| | Kemi C | 100 | 22 | 33 |
| Kulturilerineq | Kulturilerineq B | 200 | 46 | 34 |
| | Kulturilerineq C | 75 | 0 | 35 |
| Niuerfinni attaveqartarneq | Niuerfinni attaveqartarneq C | 75 | 0 | 36 |
| Matematik | Matematik A | 445 | 225 | 37 |
| | Matematik B | 295 | 150 | 38 |
| | Matematik C | 150 | 75 | 39 |
| Tusagassiuutilerineq | Tusagassiuutilerineq B | 200 | 0 | 40 |
| | Tusagassiuutilerineq C | 125 | 0 | 41 |
| Nipilorsorneq | Nipilorsorneq B | 275 | 65 | 42 |
| | Nipilorsorneq C | 75 | 0 | 43 |
| Aaqqissuussaaneq | Aaqqissuussaaneq C | 75 | 0 | 44 |
| Psykologii | Psykologii C | 125 | 0 | 45 |
| Upperisalerineq | Upperisalerineq C | 75 | 0 | 46 |
| Inuiaqatigiilerineq | Inuiaqatigiilerineq B | 200 | 65 | 47 |
| | Inuiaqatigiilerineq C | 75 | 0 | 48 |
| Nalitsinni oqaluttuarisaaneq | Nalitsinni oqaluttuarisaaneq B | 130 | 0 | 49 |
| Science | Science C | 75 | 22 | 50 |
| Ilinniariaaseq | Ilinniariaaseq C | 60 | 0 | 51 |
| Ilinniarnermi suliniut | Ilinniarnermi suliniut | 25 | 30 | 52 |
| Teknikkilerineq | Teknikkilerineq A geologi aatsitassallu | 350 | 30 | 53 |
| | Teknikkilerineq A pinngortitaq avatangiisillu | 350 | 30 | 54 |
| | Teknikkilerineq A sanaartorneq nukissiuutillu | 350 | 30 | 55 |
| Tyskisut | Tyskisut aallarterlaanut B | 250 | 18 | 56 |
| | Tyskisut ingerlaqqittunut B | 250 | 33 | 57 |
| Suliffeqarfitt aninaasaqarnerat | Suliffeqarfitt aninaasaqarnerat A | 350 | 70 | 58 |

| | | | | |
|--|---------------------------------------|-----|----|----|
| | Suliffeqarfut aninggaasaqarnerat B | 225 | 40 | 59 |
|--|---------------------------------------|-----|----|----|

Imm. 2. Ilanniakkat sammiviini ilinniartitsissutini tiimit amerlassusaat imm. 1-imit allaanerusut

Ilinniartitaanermut Naalakkersuisoqarfip akuerisinnaavai.

Imm. 3. Ilinniarnertuunngorniarfiup ilinniakkami sammivinnik immikkut ittunik, taamaallaallu Nunatsinni Danmarkimilu ilinniakkani sivikitsuni akunnattumillu sivisussusilinni ilinnialernissamut atortussanik ingerlatsinissa Ilinniartitaanermut Naalakkersuisoqarfip akuerisinnaavaa.

§ 26. Tunngaviusumik ilinniarnermi ilinniartitsissutini tiimit amerlassusaat ilinniartullu piffissaat imatut agguarneqarput:

| Ilinniartitsissut | Qaffasissuseq | Ilinniartitsiner- mi tiimit/qaffasis- suseq |
|-------------------|----------------|------------------------------------------------------|
| Danskisut | Danskisut A | 50 |
| Tuluttut | Tuluttut C | 80 |
| Kalaallisut | Grunlandsk A | 50 |
| Timersorneq | Timersorneq C | 25 |
| Kulturilerineq | Kulturfag C | 75 |
| Matematik | Matematik C | 80 |
| Science | Science C | 75 |
| Ilinniariaaseq | Ilinniariaaseq | 10 |

§ 27. Klassimi holdimiluunniit ataatsimi ilinniartitsinerni tiimit amerlassusissaattut aalajangersakkat akuerisalluunniit ilinniarnertuunngorniarfiit annikitsumik allangortissinnaavaat, nikingassutit klassit holdilluunniit ilinniakkani pisariaqartitaannik tunngavilersorneqarpata. Ilinniartitsinermi tiimit amerlassusaasa tiimillu ilinniartunut piffissaliussat katinnerisa nikisinneqannginnissaat piumasaqaataavoq.

Imm. 2. § 25, imm. 1-imi ilinniartut piffissaat aalajangersarneqartoq ilinniartitsissummut ataatsimut 20%-it tikillugit annikillisinnerisigut ilinniarnertuunngorniarfiit ilinniartut piffissaannik pilersitsisinnaapput.

Ilanniakkat sammiviisa akornanni sumiiffinni ilinniartitsissutini perorsaanermilu pissutsit tunngavigalugit ilinniartut piffissaannik ilinniarnertuunngorniarfiit agguasassapput.

§ 28. Ilinniarnertuunngorniarfiit ilinniartunut immikkut aaqqissuussamik ilinniarnermik ingerlatsisunut tiiminik ilasisinnaapput.

Imm. 2. Kalaallit Nunaanni Danmarkimilu sivikitsumik akunnattumillu sivisussusilinnik ilinniarnernut isissutaasinnaasunik ilinniarnertuunngorniarfimmi holdinut immikkut ilinniarnermik ingerlatsisunut ilinniarnertuunngorniarfiit tiiminik ilasisinnaanerannik Ilinniartitaanermut Naalakkersuisoqarfik akuersisinnaavoq.

§ 29. Piffissaq ilinniartut atugassaat ilinniartitsinertut ingerlanneqarsinnaavoq, tamanna nalileeriaatsitigut tunngavissaqarpat, tak. § 22, imm. 2, imaluunniit piffissap ilinniartut atugassaasa allattariarsorluni sulinertut atorneqartussangornerani ilinniarnertuunngorniarfik ilinniartut najuunnissaannik piumasaqarpat, tak. § 22, imm. 3.

§ 30. Ilanniartut pillugit pissutsit immikkorluinnaq ittut tunngavissaqartitsigaangata ilanniartut ataasiakkaat nalunaarummi aalajangersakkaniq atuinnginnissaat Ilanniartitaanermut Ilisimatusarnermullu Naalakkersuisoqarfíup akuerisinnaavaa.

§ 31. Ilanniartitaanermut Naalakkersuisoqarfíup misileraanermut atatillugu nalunaarummi aalajangersakkat sanioqqussinnaavaai.

Kapitali 5

Atuutilersitsinermut ikaarsaariarnermullu malittarisassat

§ 32. Nalunaarut ilinniarnertuunngorniarfímmi ilinniartunut 1. august 2012 aallartissimasunut 1. juni 2014-imí atuutilerpoq.

§ 33. Aaqqissuussineq nutaami pisoqqamilu holdit akimorlugit atuaqatigiinnissaq Naalakkersuisoqarfíup akuersissutigisinnaavaa.

Namminersorlutik Oqartussat, ulloq 27. maj 2014

Nick Nielsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviát

Naalakkersuisut

